

Aktuelnosti:

1. Vlada HNK/ poziva Savez da zajedno pokrenu inicijativu za izmjenu Zakona o pripadnosti javnih prihoda FBiH
2. Fondacija Mozaik i Općina Cazin za aktivne mjesne zajednice
3. Raspisan tender za dodjelu koncesije za istraživanje vjetroenergije u B. Petrovcu
4. Projekt STARTER – nagrađeni najbolji poslovni planovi
5. Završen proces odabira projektnih prijedloga OCD u sklopu Projekta LOD II
6. JKP Komrad Bihać – puštena u rad reciklažna presa
7. Obavjest o održavanju javnih rasprava o Prijedlogu zakona o koncesijama
8. NAJAVA obilježavanja Dana općina

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

VLADA HNK/Ž POZIVA SAVEZ DA ZAJEDNO POKRENU INICIJATIVU ZA IZMJENU ZAKONA O PRIPADNOSTI JAVNIH PRIHODA FBiH

Na 14. sjednici Predsjedništva Skupštine Saveza općina i gradova Federacije BiH koja je održana 19.05.2011. godine u Bosanskom Petrovcu, između ostalog, vođena je rasprava o *Inicijativi općina Hercegovačko-neretvanskog kantona/županije (HNK/Ž) za donošenje Zakona o izmjenama Zakona o pripadnosti javnih prihoda u HNK/Ž*. Tom prilikom Predsjedništvo Saveza je donijelo zaključak da se Ministarstvu finansija/financija HNK/Ž uputi Inicijativa za donošenje Zakona o izmjenama Zakona o pripadnosti javnih prihoda u HNK/Ž.

Slijedom navedenog zaključka, Savez je dana 25.05.2011. uputio nadležnom ministarstvu pomenutu inicijativu kojom se traži izmjena i dopuna Zakona o pripadnosti javnih prihoda u HNK/Ž u pravcu preraspodjele poreza na dohodak u omjeru 50% kantonu/županiji : 50% općinama, umjesto dosadašnjeg omjera 65,64% kantonu/županiji : 34,36% općini.

Nakon što je Ministarstvo finansija/financija HNK/Ž razmotrilo Inicijativu, i dalo negativno mišljenje po istoj, odnosno nije je podržalo navodeći da su finansijska sredstva sa kojima raspolaže HNK/Ž nedovoljna za pokrivanje svih obaveza propisanih Ustavom i zakonima, Savezu se 22.07.2011. obratila Vlada HNK/Ž sa prijedlogom da zajedno pokrenu inicijativu prema Vladi Federacije BiH za izmjenu Zakona o pripadnosti javnih prihoda Federacije BiH, kako bi se usvojila nova preraspodjela javnih prihoda u Federaciji BiH u cilju osiguranja boljeg materijalnog statusa kantona i jedinica lokalne samouprave.

FONDACIJA MOZAIK I OPĆINA CAZIN ZA AKTIVNE MJESNE ZAJEDNICE



CAZIN, 19. juli/srpanj – U januaru/siječnju 2011. godine Fondacija Mozaik je na području općine Cazin započela provođenja projekta „Za aktivne mjesne zajednice“. Ovaj projekat ima za cilj unapređenje rada Savjeta ruralnih Mjesnih zajednica, kako bi razvili svoje kapacitete za efikasniju realizaciju projekata i programa na

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

svojoj teritoriji uzimajući u obzir potrebe i interese svih kategorija stanovništva, a posebno mladih i žena. Projekat je podržan od Evropske Unije, a Općina Cazin je osigurala sufinansiranje.

Odmah nakon održanih izbora za savjete MZ-a s područja općine Cazin, novoizabrani predsjednici MZ-a, već prvog dana preuzimanja Rješenja o imenovanju, imali su priliku da se aktivno uključe u prezentaciju ovog projekta.

Koordinatorica Kurtović je ukratko predstavila projekat u okviru kojeg će nakon izraženog interesa od strane MZ-a biti izabrane tri, u kojima će se implementirati projekti odabrani putem zbora građana sa učešćem od najmanje 40 mještana.

Riječ je o projektima maksimalne vrijednosti od 5.860,00 KM, a učešće daje i Općina Cazin.

Pored toga realizirat će se edukativne radionice iz oblasti projektnog menadžmenta, upravljanja ljudskim resursima, strateškog planiranja i sl., zbog čega je vrijednost projekta višestruka.

RASPISAN TENDER ZA DODJELU KONCESIJE ZA ISTRAŽIVANJE VJETROENERGIJE U BOSANSKOM PETROVCU

BIHAĆ, 19. juli/srpanj – Ministarstvo privrede USK je, u cilju realizacije planova ministarstva na proizvodnji električne energije iz obnovljivih izvora, pokrenuta procedura raspisivanja javnog tendera za dodjelu koncesije za istraživanje i eksploataciju vjetroenergije na području općine Bosanski Petrovac.

Kako je ranija saglasnost OV za izdavanje koncesije za ispitivanje i eksploataciju energije vjetra u ovoj općini istekla, pribavljena je nova, te je ministarstvo po odluci Vlade USK krenulo u proceduru javnog tendera.

U Bosanskom Petrovcu neko vrijeme provođena su ispitivanja energije vjetra, te je utvrđeno da bi izgradnja vjetroparka bila itekako isplativa investicija, ne samo za Općinu, nego i Kanton.

U Unsko-sanskom kantonu proizvede se svega 8 do 10% električne energije od ukupnih potreba, što ovaj kantona svrstava u energetske ovisnu sredinu. Izgradnja vjetroelektrana na prostoru Medenog polja zbog velikih vjetrova stoga bi bila itekako isplativa investicija.

U Ministarstvu privrede tvrde da su svjesni da se radi o skupoj investiciji od preko 100 miliona eura, te ne očekuju njenu skoriju realizaciju, ali vjeruju da će kroz naredne 4 godine vjetropark u Bosanskom Petrovcu zaživjeti.



PROJEKT STARTER - NAGRAĐENI NAJBOLJI POSLOVNI PLANOVI



19. juli/srpanj – Ceremonije dodjele certifikata i nagrada za najbolje poslovne planove realizovane u okviru projekta, "Starter – edukativni program za poboljšanje mogućnosti za samozapošljavanje", upriličene su protekle sedmice u općinama Novi Travnik i Žepče.

Projekt je finansiran od strane Norveške ambasade u BiH,

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmmed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

a implementira ga REZ Agencija u partnerstvu sa općinama Busovača, Maglaj, Novi Travnik, Travnik i Žepče. Start-up fond u iznosu od 15.000,00 KM je obezbijeđen od strane svake općine partnera u projektu i koristi se za podršku 3 najbolja poslovnih plana, i na taj način pruža podršku osnivanju novih preduzeća i otvaranju novih radnih mjesta.

Najbolji poslovni planovi i dobitnici po 5.000,00 KM za pokretanje samostalnog biznisa na području Općine Novi Travnik su: Josipa Vidović - Caffè-slastičarna "Granita", Selvedin Palalić - Plastična proizvodnja i Hamdo Bešlić - Poljoprivredna proizvodnja.

Najbolji poslovni planovi i dobitnici i iste sume po na području Općine Žepče su: Eldin Jakupović - Sigurnosni sistemi, rasvjeta – prodaja i ugradnja, Mato Radić - Trgovina uredskim materijalom i kopirnica i Erol Vejselović - Poljoprivredna proizvodnja.

"Ovim projektom kroz pružanje tehničke i finansijske pomoći ograničene na odabrane poslovne ideje, želimo podržati nova preduzeća kroz promociju, edukaciju i finansijsku pomoć. Svim nagrađenim želimo mnogo uspjeha u budućim poduzetničkim poduhvatima", saopćeno je iz REZ-a.

ZAVRŠEN PROCES ODABIRA PROJEKTNIH PRIJEDLOGA ORGANIZACIJA CIVILNOG DRUŠTVA U SKLOPU PROJEKTA LOD II

SARAJEVO, 15. juli/srpanj – Nakon objavljivanja Javnog poziva za dostavljanje projektnih prijedloga organizacija civilnog društva (OCD) u 15 LOD II partnerskih jedinica lokalnih samouprava (JLS), završen je i proces odabira projekata. Općine u kojima je objavljen Javni poziv su Bijeljina, Derventa, Foča, Grad Sarajevo, Gradiška, Jablanica, Ključ, Ljubuški, Prijedor, Tešanj, Trebinje, Tuzla, Srebrenik, Zvornik i Zavidovići

Evaluaciju pristiglih projektnih prijedloga u svakoj od općina vršila je zajednička komisija sastavljena od članova Razvojnog programa Ujedinjenih Nacija (UNDP BiH), predstavnika općinskih struktura i predstavnika nevladinog sektora sa istog područja.

Ukupno je pristiglo je 302 projektna prijedloga po osnovu Javnog poziva za organizacije civilnog društva, a prioritetne oblasti za finansiranje projekata su bile definisane pojedinačno za svaku općinu zavisno od lokalnih razvojnih strategija i aktuelnih pitanja, kao i prioriteta UNDP BiH. Jedna od glavnih tema ovogodišnjeg finansiranja organizacija civilnog društva u BiH je socijalna uključenost.

LOD II Projektni odbor je donio konačnu odluku o finansiranju 71 projektnog prijedloga organizacija civilnog društva i sa podnosiocima projektnih prijedloga će u skorije vrijeme biti potpisani ugovori o mikro-kapitalnom grant finansiranju. Partnerske JLS sufinansiraju 10 posto ukupnog iznosa predviđenog za projekte OCD. Krajnji rok za završetak sprovedbe ovih projekata je februar/veljača 2012. godine.

Kompletan spisak projekata se nalazi na web stranicama www.undp.ba

Ovim aktivnostima se nastavlja jačanje civilnog sektora, ali i saradnja između civilnog sektora i lokalnih vlasti. Proces projektnog finansiranja obezbjeđuje transparentnu raspodjelu sredstava organizacijama civilnog društva i rješavanje aktuelnih pitanja u lokalnim zajednicama, te dalju profesionalizaciju u zagovaranju prava ugroženih i pružanju usluga.

Projekat Jačanje lokalne demokratije/demokracije II - LOD II finansira Evropska unija, iznosom od 1.500.000 EUR, a implementira Razvojni program Ujedinjenih naroda (UNDP) u Bosni i Hercegovini.



JKP KOMRAD BIHAĆ - PUŠTENA U RAD RECIKLAŽNA PRESA



BIHAĆ, 15. juli/srpanj – Premijer Unsko - sanskog kantona (USK) Hamdija Lipovača i ministrica građenja, prostornog uređenja i zaštite okoliša Sinha Kurbegović prisustvovali su svečanosti puštanja u rad reciklažne prese JKP Komrad Bihać, čija je vrijednost 60 hiljada maraka, a čiju su nabavku zajednički financirali JKP Komrad Bihać, Općina Bihać i GOV WADE.

Nakon obraćanja direktora Komrada Amela Alagića, predstavnice Općine Bihać Jasne Beširević i ministricе Sinhe Kurbegović, presa je i zvanično puštena u rad, čime su JKP Komrad i Općina podigli nivo usluga, kada je u pitanju recikliranje otpada.

OBVIJEST O ODRŽAVANJU JAVNIH RASPRAVA O PRIJEDLOGU ZAKONA O KONCESIJAMA

Na osnovu Zaključka Predstavničkog doma Parlamenta FBiH broj 01-02-944/10 od 25.05.2011. godine i Zaključka Doma naroda Parlamenta FBiH broj 02-02-657/11 od 21.06.2011. godine, Federalno ministarstvo prostornog uređenja sa Odborom za energetiku, rudarstvo i industriju, Odborom za ekonomsku i finansijsku politiku i Odborom za prostorno uređenje, stambeno komunalnu politiku, ekologiju i turizam Predstavničkog doma Parlamenta FBiH i sa Odborom za gospodarstvo, Odborom za ekonomsku i razvojnu politiku, finansije i proračun i Odbor za prostorno uređenje, ekologiju i stambeno-komunalne poslove Doma naroda Parlamenta FBiH, provest će **javnu raspravu o Prijedlogu zakona o koncesijama**.

Uslove za održavanje javne rasprave obezbijavaju kantonalna ministarstva prostornog uređenja, ili drugo ministarstvo gdje se provodi javna rasprava, po sljedećim redoslijedom:

Tuzla 19.07.2011.g., 12:30 sati, sala Vlade TK

Orašje 20.07.2011.g.,

Bihać 26.07.2011.g., 11:00 sati, sala Skupštine USK

Travnik 27.07.2011.g., 13:00 sati, sala Općinskog vijeća

Zenica 28.07.2011.g., 13:00 sati, sala Vlade ZDK

Sarajevo 29.07.2011.g., 13:00 sati, sala Općinskog vijeća Centar

Goražde 03.08.2011.g., još nije utvrđeno

Mostar 04.08.2011.g., satnica nije utvrđena, sala Vlade kantona/županije

Široki Brijeg 05.08.2011.g., satnica nije utvrđena, sala Vlade kantona/županije

Livno 09.08.2011.g., 12:00 sati, zgrada Vlade kantona/županije

Za više informacije obratite se Federalnom ministarstvu prostornog uređenja, kontakt osoba Nihad Bajramović tel.: 033 227 188 ili na mail: nihad.bajramovic@fmpu.gov.ba

Ovom prilikom vas pozivamo da uzmete aktivno učešće na naprijed navedene javne rasprave.

NAJAVA OBILJEŽAVANJA DANA OPĆINA ZA MJESEC AVGUST/KOLOVOZ

- **06. august/kolovoz - Dan Općine Cazin** i predstavlja sjećanje na dan kada je deblokiran Cazin, ali i područje Unsko-sanskog kantona u proteklom ratu.
- **15. august/kolovoz - Dan Općine Široki Brijeg.** Naime, ovaj datum se obilježava kao blagdan Velike Gospe.
- **15. august/kolovoz - Dan Općine Posušje.** Ovaj datum je značajan za Posušje jer se na taj dan obilježava Velika Gospa.
- **16. august/kolovoz - Dan Općine Busovača.** Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu grada Busovače i obilježava se kao Dan Općine.
- **20. august/kolovoz - Dan Općine Olovo.** Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).
- **29. august/kolovoz - Dan Općine Visoko.** Ovaj datum se veže za datum izdavanja Povelje Kulina Bana 29.08.1189. godine.
- **31. august/kolovoz – Dan Općine Neum.**

